

港東港西

察民情 聽訴求 買盆栽

CY 落花墟 市民熱烈「集郵」



▲CY 全程遇上市民要求合照、握手同傾偈

特首fb圖



▲CY 向來係愛花之人，尋日逛花墟「入貨」買盆栽

特首fb圖



▲市民紛紛舉起手機影個不停，好熱情！

特首fb圖

特首梁振英（CY）向來是愛花之人，空閒時最鍾意喺花園種下花草，禮賓府入面唔少植物，好似秋葵、粟米、火龍果同檸檬等等，都係由佢自己一手一腳包辦。CY尋日就喺個人Facebook專頁上載咗幾張相，原來佢前日除咗走入元朗食雲吞麵外，下晝仲去埋旺角花墟「入貨」，幫襯小店買盆栽，睇下植物種子同肥料。唔通特首想趁陽光燦爛的日子，種多啲植物，幫禮賓府加添色彩？

不過CY一落花墟就畀大批市民包圍，人人爭住同佢握手合照。雖然買花係咁遇上市民「集郵」，但CY全程仍展露笑容，上前求合照、握手、傾偈，一律來者不拒。唔少網民話，特首睇花之餘，仍然不忘聽下市民心聲，仲話下次都想再「野生捕獲」CY呀！

鄭曉

蔣式幽默 蔣震唔認老

康文署一直都提倡「日日運動身體好，男女老幼做得到」，而且年紀大更加需要做，做開運動嘅長者體能會好好多，鄭晴有時去康文署健身室都會見到高齡長者做器械操練，保持活力同關節靈活。

民建聯立法會議員蔣麗芸（Ann姐）尋日就喺網上分享父親蔣震做運動嘅故事，話說蔣老先生咁咁踩完單車機，Ann姐見到就關心吓佢，問爸爸乜嘢邊，蔣老先生就答佢話：「老了。」

Ann姐聽到爸爸咁講，即刻話：「你不老，不老。」點知呢個時候，蔣老先生望住部單車機話：「不是我老，是這腳踏車舊了，老了！」簡簡單單嘅對話，溫馨、幽默，鄭晴真係要畀個like佢咗！



◀蔣麗芸話爸爸九十幾歲，依然好有活力！

新東未補選 反對派爭位先內訌

自從「青年新政」梁頌恆同游蕙禎丟失議席，儘管補選時間表都未出，反對派已「爭崩頭」，搶住話要入勝算最高嘅新界東爭位。學聯前常委張秀賢尋日就證實之前嘅傳言，話自己有意參加新界東補選，近幾個月仲詢問過不同政黨，更加同「青政」密切溝通，仲搵埋一班「本土派」既獨立區議員支持，似乎想食住本土派支持者條水同傳統反對派「鍊過」。不過「港獨」早就係票房毒藥，到時張

秀賢分分鐘係「被鍊」。

其實反對派內部早已分崩離析，打新界東主意嘅人又點止張秀賢一個，新同盟范國威，以及同佢反咗面嘅「師父」鄭家富亦都蠢蠢欲動。

千祈唔好以為內訌咁就完，前公黨成員、去年被裁定襲警及拒捕而被判監嘅曾健超出獄嘅時候都反口有意爭埋一份嘅，不過佢就未決定落戶新界東定九龍西喎！大家真係有排「食花生」啦！

海園免入場費 食晚飯報親恩

母親節、父親節就到。正所謂「百行孝為先」，有諺住帶兩老去邊慶祝，報答吓養育之恩嘅話，海洋公園可能係你嘅新選擇！事關佢哋喺今個禮拜六起，首推免入場費園內餐飲服務，淨係界錢就可以到海龍王餐廳享用半自助晚餐，成人收費每位520蚊，小童長者半價。一邊觀賞魔鬼魚和鯊魚在水中暢泳，一邊品嚐美食，夠晒寫意兼特別。

位於「海洋奇觀」水族館內嘅海龍王餐廳，喺今個月6日至下個月30日起，每個周六及周日都會搞「母親節及父親節半自助晚餐」。想帶阿爸阿媽去？鄭晴提醒你，記得要先網上預約，就可以夜晚六點後入海洋公園食餐飽。為咗活動，餐廳仲延長營業時間至九時半前，不過公園其他設施就唔會開咁夜啦。想玩嘅話，建議你都係早啲入場。

食物方面又點？除咗挪威三文魚、阿拉斯加蟹腳及澳洲龍蝦等環保海鮮外，母親節半自助晚餐主題係龍蝦，至於父親節就食牛扒。

計下數先，以往入場費加食飯（連加一）每位至少使過千蚊，而家免入場費，即係每個人慳咗438蚊！



◀邊睇魔鬼魚暢泳，邊擦餐勁，真係幾寫意

何君堯妙計：議員巡衛生黑點

尋日係國際「五·一」勞動節，立法會議員何君堯（Junius）喺Facebook就有感而發，覺得議員關心社區環境，不單止要喺議事堂謹守崗位，凡事更必須要親力親為。

Junius諗起平日揸車途中見到路邊草叢堆滿垃圾，對環境衛生破壞好大，就心生一計：等十八區區議會設定

機制，安排議員定期與食環署人員出巡，清理各區衛生黑點；同時喺廿多萬領取社會綜合援助人士當中借調部分人嚟參與清潔活動。咁樣一方面可以減輕清潔人員嘅工作量，喚起大家嘅公德心，亦都可以協助綜援人士重新走進社區。呢個建議能否落實，有待政府部門同各方嘅協調。



更多內容歡迎掃描二維碼，瀏覽大公網「港東港西」專題

海空拯救匯演 全場讚嘆



消防處和政府飛行服務隊等多個部門及團體參加海空拯救匯演，吸引大批市民在岸邊圍觀
大公報記者林良堅攝

【大公報訊】記者龔學鳴報道：為宣傳水上安全，香港拯溺總會及香港游泳教師總會將每年的5月1日定為「水上安全日」，並於昨日在淺水灣舉辦海空拯救匯演及「香港3000公尺水上安全長途暢泳」等一系列活動。

海空拯救匯演昨午舉行，消防處和政府飛行服務隊等多個政府部門及團體參加，吸引大批市民在岸邊圍觀。

大會模擬兩艘漁船於海上相撞，並有爆炸風險，漁船船身冒出大量濃煙，此時兩艘救生水上電單車及兩艘救生快艇飛馳至出事的漁船旁，將部分遇溺者救出，並送到沙灘上作模擬搶救。

13部門團體派船參與

及後消防船隻趕到出事位置向漁船射水，政府飛行服務隊派出直升機接近漁船位置，並拋下吊索，讓救援人員隨吊索落船救人，完成整場匯演，令圍觀市民讚不絕口。

大會另外舉行海上檢閱儀式，由消防處處長李建日擔任檢

閱官，消防處、海事處、香港警務處、香港海事青年團、香港童軍總會等13個政府部門及團體各自派出一艘船隻在淺水灣上列隊行駛。

大會早上亦舉辦了「香港3000公尺水上安全長途暢泳」，吸引逾1850人參加，其中最年輕的只有四歲，最年長的為76歲。



◀遇溺者送到沙灘作模擬搶救
大公報記者林良堅攝

港大生研無人機 檢測鐵路平又準

【大公報訊】記者楊州報道：無人機、手機等產品的應用開發已成趨勢，香港大學有兩個團隊分別對此類產品進行深度開發。「Project Raphael」團隊了解到不少大型檢查的工作仍以傳統人手模式（手動和目視），畢業於港大計算機科學學系的辛子雋，有航空公司工作經驗。他說，利用無人機配合自己開發的應用軟件，可代替人手進行檢查工作，未來能應用於鐵路、建築物及飛機。

無人機有高清攝像機及三種不同類型的傳感器，即紅外、聲呐及LiDAR傳感器，進行物體的外部檢查。辛子雋說，軟件

能實時分析及報告，提升監測準確度，還比現有的檢測流程節省了超過50%的成本和時間。他說，正計劃與鐵路和列車部門合作，繼而是建築物外牆檢測及飛機外部檢測。

另一個團隊「BioCap」，成員李士杰研發可攜式疾病檢測晶片，利用納米加工技術及圖像識別技術，提供快速疾病化驗的新方案，只要有晶片和手機，用戶可自行化驗，例如中東呼吸綜合症等呼吸道病症，可降低成本又節省等候時間。該團隊與港大醫學院合作，將進行病源的測試階段。

港大MBA 亞洲第一全球12

英國《金融時報》首次舉辦 MBAs for Finance 全球排行榜。香港大學MBA位列12名，為大中華區第一位，亦是榜上排名最高的亞洲商學院，而中文大學及科技大學分別排名14及16，畢業生薪酬增長率為132%及113%。

在轉職至財務金融業（Moved to Finance）方面，港大MBA排名全球第二及大中華區第一，而畢業生薪酬增長率較他們修讀MBA課程前平均躍升114%，反映課程成功提升其全日制畢業生的就業能力，並促進他們的事業發展。

結節性硬化症藥促納入名冊

全港有逾百名患有罕見病結節性硬化症（TSC）病人，惟相關抑制劑未納入醫院管理局藥物名冊，不少病友無力負擔每月高達兩萬元以上的藥物治療費用。醫管局表示，專家定期評估新藥，會繼續密切留意臨床醫療發展，聽取病人團體的意見，以善用有限公共資源為病人服務原則，檢

討藥物名冊。結節性硬化症協會表示，醫管局眼見病人生命進入倒數，都不願作特殊安排提供藥物。香港藥學服務基金成員蘇耀華亦稱，醫管局為避免藥物名冊「自費藥」過多，及將資源集中在較多病人需要的藥，罕見病人較難獲得藥物治療。